

## SCRIPT OF MORNING GOJRI NEWS BULLETIN 28JUNE 1015 HRS

مارننگ گو جری نیوز بلیٹن مورخہ 28 جون 2025

\*\*\*\*\*

یوہ آکا شوانی جموں ہے عیدالرحمان تیں خبر سُنو۔

\*\*\*\*\*

### CM FICCI

وزیر اعلیٰ عمر عبداللہ نے کہیو ہے کہ جموں کشمیر نانہہ ملک غا ایک ممتاز سیاحتی مقام غا طورور ترقی دینو سرکار تے سیاحت نال جڑیا کاروباریاں غی سانجی کوشش غو حصو ہے جموں کشمیر مانہہ سیاحت غی بحالی متعلق گل بات غے دوران موصوف نے کہیو کہ سرکار سیاحت متعلق کئی نوا اقدام کر رہی ہے تانجے سیاح جموں کشمیر غے اندر بھرپور تقریخ کرسکیں سرینگر غا شیر کشمیر کنونشن مرکز مانہہ محکمہ سیاحت تے ایف آئی سی سی آئی غا سانجہ تال میل نال منعقد اس پروگرام غے دوران بولتا مانہہ وزیر اعلیٰ نے کہیو کہ پہلگام مانہہ 22 اپریل نانہہ ہویا دہشت گرد حملہ تیں بعد کشمیر غے اندر سیاحاں غی تعداد مانہہ کمی واقعہ ہوئی ہے۔

\*\*\*\*\*

### COURT OF ARBITRATION

جموں کشمیر یوٹی غے اندر کشن گنگا تے ریٹل پن بجلی پروجیکٹ ور ٹالٹی کورٹ غ ایک حکم نامہ نانہہ بھارت نے رد کیو ہے اپنا ایک بیان مانہہ خارجیہ وزارت نے سندھ پانی معاہدہ 1960 غا تناظر مانہہ قائم کی گئی ٹالٹی عدالت غی طرفوں دتا گیا غیر قانونی حکم نامہ نانہہ بھارت نے رد کیو ہے وزارت نے کہیو ہے کہ بھارت نے کدے وی اس عدالت غی قانونی حیثیت نانہہ تسلیم نہیں کیو تے اس غو قیام سندھ پانی معاہدہ غی کھلی خلاف ورزی ہے وزارت نے مزید کہیو کہ پہلگام دہشت گرد حملہ تیں بعد بھارت نے سند پانی معاہدہ نانہہ معطل کردتو تھو۔

\*\*\*\*\*

### CS HIGHWAY PROJECTS

چیف سیکرٹری اٹل ڈلو نے گزشتہ روز ایک جائیزہ میٹنگ غی صدارت غے دوران جموں کشمیر غے اندر قومی شاہراں متعلق بکھ بکھ پروجیکٹاں ور چل رہیا کام کاج غو جائیزو لیو موصوف نے متعلقہ ڈپٹی کمشنراں نانہہ ہدایت دتی کہ وے قومی شاہراں ور چل رہیا کام کاج ور ذاتی نظر رکھیں تانجے کام غی رفتار مانہہ کمی نہ آوے۔ اس تیں علاوہ زمین تے کان کنی جیسا معاملات نانہہ وی حل کرن بارے ہدایت جاری کی گئی اس میٹنگ غے دوران جن اہم پروجیکٹاں غو جائیزو لیو گیو اُن مانہہ دہلی امرتسر کٹرا ایکس پریس وے ت جموں رنگ روڈ غا ٹنل شامل ہیں جن غی تعمیر مکمل کرنغی تاریخ 31 مارچ 2026 مقرر کی گئی ہے اس تیں علاوہ میٹنگ غے دوران جموں سرینگر قومی شاہراہ ور چل رہیا پروجیکٹاں مانہہ ماروگ ڈگڈول ٹنل ڈگڈول خونی نالی سیکشن تے مکرکوٹ شیر بی بی غا مقام ور چل رہیا کام کاج گو وی جائیزو لیو گیو۔

\*\*\*\*\*

### HOUSE COMMITTEE SALARIES

قانون سازاں غی تنکواہ ت یدیدگر مراعات ناہہ بدھان خاطر تشکیل دتی گئی ہاوس کمیٹی نیگزشتہ روز اسمبلی کمپلیکس سرینگر مانہہ میٹنگ کی اس میٹنگ غی صدارت کمیٹی گانچیر

مین سرچیت سنگھ سلاتھیہ کرریا تھا اس میٹنگ مانہ اسمبلی ممبر علی محد ساگر جی اے میر سجاد لون حسنین مسعودی پیرزادہ فاروق احمد شاہ ارجن سنگھ راجو تے مظفر اقبال خان موجود ریہا اس دوران چئیر مین موصوف نے اس معاملہ ور ممبران غی مانگ سنی تے یقین دوايو کہ اس سلسلہ مانہ اگلا اسمبلی اجلاس تیں پہلاں ایک مجموعی رپوٹ اسمبلی مانہ جمع کرائی جے گی۔

\*\*\*\*\*

## OP SINDHU

آپریشن سندھو غے تحت اس وقت تک بھارت نے کل 4ہزار 415بھارتیہ نانہ ایران تے اسرائیل تیں باحفاظت واپس آئیو ہے ایران تیسرائیل بشکار جاری کشیدگی غے چلتیں بھارت نے آپریشن سندھو غے تحت 3ہزار 597 بھارتیہ شہریاں نانہ ایران تیں واپس آئیو جد کہ 8سو 18افراد نانہ اسرائیل تیں خصوصی پروازاں غے ذریعے باحفاظت واپس آئیو گیو خارجہ وزارت غی طرفوں جاری ایک بیان مانہ دسیو گیو ہے کہ 14او سی آئی کارڈ رکھن آلا افراد 9نپالی شہری شریلنکا غا 4شہری تے 1بھارتیہ شہری غی ایرانی بیوی نانہ وی باحفاظت ایران تیں واپس بھارت آئیو گیو ہے۔

\*\*\*\*\*

## DODA PARKING

شہری ترقی غا تناظر مانہایک بڑو قدم چاتاں مانہ ڈی سی ڈوڈہ پرویندر سنگھ نے ڈوڈہ قصبہ غے اندر تعمیر ہو ریہا کاروباری کمپلیکس تے گڈیاں غی پارکنگ وستے تعمیر کی جارہی کئی منزلہ عمارت غو جائیزو لیو اس دوران موصوف نے مزکورہ کام نانہ ویلے سر مکمل کرن غی ہدایت کی واضع رہ جے اس تعمیری کم نال تقریباً ڈیڈھ سو بساں تے 250کاراں وستے پارکنگ دستیاب وے غی جس نال قصبہ غیاندر گڈیاں غا جام تیں راحت ملے غی مقامی کاروبار نانہ بادو دین خاطر ایک کاروباری مرکز وی کھولیو جارہیو ہے مقامی لوکاں نے اس پروجیکٹ ور کوشی غو اظہار کیو تے کہیو کہ قصبہ غیاندر اس طرز غا پروجیکٹ غی اشد ضرورت تھی۔

\*\*\*\*\*

## DC JAMMU LABOUR DEPT

ڈپٹی کشمنر سچن کمار ویشیا نے لیبر محکمہ گا کم کاج غو جائیزو لیو تے مزدوراں گا حقوق تے سماجی تھفٹ نانہ یقینی بنان غی اہمیت ور زور دتو انہاں نے کہیو کہ مزدوراں گا قوانین ور سختی سنگ عمل ہونو چاہیے تے خاص طور ور غیر منظم شعبہ غا مزدوراں نانہ بروقت ور اندراج کیو جے ڈی سی نے افسراں نانہ ہدایت کی کہ مزدوراں غی فلاح وبہبود تیں متعلق سکیمان نانہ نچلی سطح توڑی موثر طریقہ سنگ پُجائیں تانجے مزدور طبقاں نانہ سہارو مل سکے اس جائیزہ غو مقصد محکمہ غا کماں نانہ مزید موثر بنانو تے ضلع مانہ مزدوراں گا حالات نانہ بہتر بنانو ہے۔

\*\*\*\*\*

## WOMEN CRICKET

خواتین کرکٹ مانہ بھارت تیانگلینڈ غے بشکار پنج میچاں غو ٹی 20سیریز غو پہلو میچ اج شام نوٹنگھم غا ٹرینٹ برج گراونڈ مانہ کھیڈیو جیغو۔ میچ شام 7 بجے شروع وے غو۔ دسمبر 2024 تیں بعد دوئے ٹیم پہلی واری ٹی 20 فارمیٹ مانہ آمنے سامنے ہوئی ہیں۔ یہ سیریز اگلا سال انگلینڈ مانہ ہون آلا خواتین ٹی 20عالمی کپ غی تیاری غا طور ور دیکھی جارہی ہے۔